



**NARODNO
POZORIŠTE
SARAJEVO**

Bosna i Hercegovina
Federacija Bosne i Hercegovine
Kanton Sarajevo
JU Narodno pozorište Sarajevo
Obala Kulina Bana 9
tel: +387 33 445 138
e-mail: ureddirektora@nps.ba
website: www.nps.ba
UPRAVNI ODBOR
Sarajevo, 26.02.2026.godine
Broj:05-1190/26

Z A P I S N I K
sa petnaeste sjednice Upravnog odbora
JU Narodno pozorište Sarajevo
održane 26.02.2026.godine

Prisutni: Irma Efendić Adžajlić, predsjednica; Emir Nuhanović, zamjenik predsjednice, Belma Čečo Bakrač, članica (ispred ustanove),
Opravdano odsutni članovi Upravnog odbora: Ljubica Pihljak član
Sjednici prisustvovala: Lejla Bračković, Rukovodilac Ekonomsko-pravne službe

Odsutan: Ermin Sijamija, v.d. direktora JU NPS

Za sjednicu predložen i usvojen sljedeći
DNEVNI RED:

1. Usvajanje zapisnika sa trinaeste redovne i četrnaeste elektronske sjednice Upravnog odbora.
2. Razmatranje prijave od 11.02.2026. godine, dostavljene od strane Ministarstva kulture i sporta Kantona Sarajevo, te dopisa Ureda za borbu protiv korupcije i upravljanje kvalitetom od 17.02.2026. godine. Molim da se dostavi informacija da li je Nadzorni odbor razmatrao navedenu prijavu, te ukoliko jeste, da se dostavi informacija o njihovom postupanju i eventualno donesenim zaključcima.
3. Dostava dokumentacije po prijavi, na traženje Upravnog odbora – Prijava broj: 13/26 od 06.01.2026. godine.
4. Dostava dokumentacije o postupanju Upravnog odbora u periodu od augusta 2025. godine do imenovanja vršioca dužnosti direktora.
5. Informacija o dostavljenom izjašnjenju člana Upravnog odbora na zahtjev Ministarstva kulture i sporta Kantona Sarajevo od 11.02.2026. godine.
6. Tekuća pitanja

Sjednicom predsjedavala Irma Efendić, predsjednica Upravnog odbora

- 1. Usvajanje zapisnika sa trinaeste redovne i četrnaeste elektronske sjednice Upravnog odbora**

Upravni odbor jednoglasno usvaja Zapisnik sa četrnaeste sjednice. Zapisnik sa trinaeste sjednice treba dopuniti.

- 2. Razmatranje prijave od 11.02.2026. godine, dostavljene od strane Ministarstva kulture i sporta Kantona Sarajevo, te dopisa Ureda**

za borbu protiv korupcije i upravljanje kvalitetom od 17.02.2026. godine.

Upravni odbor JU Narodno pozorište Sarajevo zatražio je od Nadzornog odbora informaciju o postupanju po zaprimljenoj prijavi, te je informisan da Nadzorni odbor, u okviru svojih nadležnosti, provodi aktivnosti na provjeri navoda iz predmetne prijave.

Postupajući po prijavi od 11.02.2026. godine, dostavljenoj od strane Ministarstva kulture i sporta Kantona Sarajevo, kao i po dopisu Ureda za borbu protiv korupcije i upravljanje kvalitetom Kantona Sarajevo od 17.02.2026. godine, Upravni odbor, u cilju utvrđivanja relevantnih činjenica i okolnosti, moli da se dostavi sljedeća dokumentacija, koja se odnosi na period od posljednje dvije godine, računajući od dana zaprimanja ovog traženja:

Upravni odbor JU Narodno pozorište Sarajevo, u cilju utvrđivanja relevantnih činjenica i okolnosti u vezi sa predmetom razmatranja, donosi sljedeći:

Zaključak:

1. Traži se dostavljanje sljedeće dokumentacije koja se odnosi na period od posljednje dvije godine, računajući od dana zaprimanja ovog zahtjeva:

- Izvještaji o provedenim postupcima javnih nabavki za 2024. i 2025. godinu;
- Ugovori zaključeni sa dobavljačem Karter.ba;
- Ugovori zaključeni sa izvršiocom Ismarom Hadžiabdićem;
- Svi relevantni ugovori zaključeni sa East West Centrom, uključujući kompletnu prateću dokumentaciju, kao i dokumentaciju o procijenjenoj i ugovorenoj vrijednosti;
- Spisak svih zaključenih ugovora i angažovanih izvršilaca, sa pratećim izvještajem o realizaciji projekata (KNU za 2024. i 2025. godinu);
- Poseban spisak ugovora čija pojedinačna vrijednost prelazi 20.000,00 KM, sa jasno naznačenim izvršiocima i predmetom ugovora;
- Ugovori o angažmanu Vedrane Božinović (Seksan), uključujući podatke o svim dodatnim primanjima po bilo kojem osnovu, u periodu od posljednje četiri godine;
- Ugovori zaključeni sa Sarom Seksan, sa pripadajućom dokumentacijom o osnovu angažmana i izvršenim isplatama.

2. Tražena dokumentacija dostavlja se Upravnom odboru u pisanoj formi, sa pripadajućim priložima, u roku ne dužem od 15 dana od dana zaprimanja ovog zaključka.

3. Za realizaciju ovog zaključka zadužuje se v.d. direktor JU Narodno pozorište Sarajevo.

3. Dostava dokumentacije po prijavi, na traženje Upravnog odbora – Prijava broj: 13/26 od 06.01.2026. godine.

Upravnom odboru je dostavljena dokumentacija koja je dostavljena Uredu za borbu protiv korupcije KS i resornom ministarstvu povodom anonimne prijave koja se tiče potencijalog sukoba interesa direktora.

4. Dostava dokumentacije o postupanju Upravnog odbora u periodu od augusta 2025. godine do imenovanja vršioca dužnosti direktora.

Kompletna dokumentacija o postupanju Upravnog odbora u periodu od augusta 2025. godine do imenovanja vršioca dužnosti direktora dostavljena je Upravnom odnoru na uvid.

5. Informacija o dostavljenom izjašnjenju člana Upravnog odbora na zahtjev Ministarstva kulture i sporta Kantona Sarajevo od 11.02.2026. godine.

Gosp. Emir Nuhanović upoznao je Upravni odbor o izjavi na navode i okolnosti iz Prijave, a koju će lično predati na protokol Ureda za borbu protiv korupcije i upravljanja kvalitetom. U izjavi navodi sljedeće:

IZJAVA I ZAHTJEV ZA HITNO POSTUPANJE

Na zahtjev predsjednice Upravnog odbora dostavljam ovu izjavu, sa elementima prijave mogućih nepravilnosti i zahtjevom za hitno postupanje nadležnih organa radi zaštite zakonitosti rada i imovine javne ustanove. Rješenjem Vlada Federacije Bosne i Hercegovine od 25.06.2025. godine imenovan sam privremeno, na period od tri mjeseca, za člana Upravnog odbora Fondacije za muzičke, likovne i scenske umjetnosti.

Rješenjem Vlada Kantona Sarajevo od 23.10.2025. godine imenovan sam za člana Upravnog odbora JU Narodno pozorište Sarajevo, na mandatni period od četiri godine.

Naglašavam da ni u jednom upravnom odboru nemam status odgovornog lica u smislu rukovođenja ustanovom ili raspolaganja imovinom, što je jasno utvrđeno aktima o imenovanju i dokumentacijom koju dostavljam uz ovu izjavu.

Istovremeno ističem da smatram da je prijava podnesena protiv mene, navodno od strane „građana“, neosnovana i da predstavlja pokušaj pritiska na mene kao člana Upravnog odbora, zbog mog insistiranja na zakonitosti rada, transparentnosti i poštivanju važećih zakona, propisa i internih akata ustanove.

U okviru svojih zakonskih i statutarnih ovlaštenja kao član Upravnog odbora, u dva navrata sam se službeno obratio vršiocu dužnosti direktora JU Narodno pozorište Sarajevo, g. Erminu Šijamiji, sa zahtjevom za dostavljanje dokumentacije i podataka neophodnih za obavljanje nadzorne funkcije Upravnog odbora. Do dana davanja ove izjave tražena dokumentacija mi nije dostavljena, iako je protekao razuman rok, čime je ozbiljno onemogućeno zakonito i odgovorno obavljanje dužnosti člana Upravnog odbora.

Zbog navedenog smatram da postoje ozbiljne indicije koje upućuju na moguće nepravilnosti u radu ustanove, uključujući i rizik od uklanjanja ili uništavanja materijalnih dokaza.

Kao konkretan primjer navodim događaj u kojem je tonska oprema (razglas, pojačala i zvučne kutije) iznesena iz prostorija Narodnog pozorišta Sarajevo od strane kompanije izvjesnog Mome, i to u periodu kada je bilo potrebno izvršiti vanrednu inventuru u ustanovi. Također, prostor garderobe za publiku bio je duži niz godina korišten kao skladište navedene opreme bez zaključenog ugovora i bez plaćanja naknade za korištenje prostora, što može ukazivati na nezakonito korištenje imovine javne ustanove.

Dodatno ukazujem na činjenicu da su kamere video nadzora u dijelu stolarije Narodnog pozorišta Sarajevo na Skenderiji već duži vremenski period uništene ili van funkcije, čime je onemogućena kontrola kretanja imovine, unošenja i iznošenja scenografije i drugih materijala iz objekta, uključujući i radove za, za sada, nepoznate naručioce.

S obzirom na navedeno, smatram da postoji osnov sumnje na

nepravilnosti u raspolaganju imovinom ustanove, moguće povrede propisa o upravljanju javnom imovinom, kao i ometanje rada i nadzorne funkcije Upravnog odbora.

Uz ovu izjavu dostavljam relevantnu dokumentaciju, uključujući e-mail komunikaciju i fotografije nastale u prisustvu svjedoka, koje potkrepljuju iznesene navode.

Stoga zahtijevam:

1. da nadležni organi hitno izvrše provjeru navoda iz ove izjave,
2. da se bez odlaganja osigura i zaštiti dokumentacija i imovina ustanove,
3. da se utvrdi činjenično stanje u vezi sa iznošenjem opreme i korištenjem prostora ustanove bez ugovora,
4. da se ispita odgovornost lica koja su bila dužna osigurati zakonitost rada i zaštitu imovine ustanove,
5. da se spriječi svako dalje uklanjanje ili uništavanje eventualnih materijalnih dokaza.

Ovu izjavu dajem savjesno i odgovorno, u cilju zaštite zakonitosti rada javne ustanove i javnog interesa.

prof.sci.Emir Nuhanović

6. Tekuća pitanja

Članica Upravnog odbora, Belma Čečo Bakrač, predložila je da Upravni odbor, imajući u vidu učestale prijave koje ukazuju na moguće nepravilnosti u radu, izradi preporuku koja bi se odnosila na postupanje direktora i rukovodilaca službi. Također je predložila da se uputi dopis prema Uredu za borbu protiv korupcije i upravljanje kvalitetom, radi pribavljanja informacije o statusu ranije podnesenih prijava, s obzirom na to da se određena pitanja iz prijava ponavljaju, što dodatno opterećuje rad službi i Upravnog odbora. Ostali članovi Upravnog odbora su se saglasili sa navedenim prijedlozima, te je konstatovano da će se isto razmatrati na jednoj od narednih sjednica.

Sjednica održana u Biblioteci
Trajanje sjednice: 10,00-12,00

Članovi Upravnog odbora:

predsjednica Upravnog odbora

IRMA EFENDIĆ ADŽALJIĆ

Dostaviti:

- članovi Upravnog odbora
- Ministarstvo kulture i sporta Kantona Sarajevo
- Pravna i kadrovska služba, web.nps.ba i a/a